

საქართველოს კანონი

„ნარკოტიკული საშუალებების, ფსიქოტროპული ნივთიერებების, პრეკურსორებისა და ნარკოლოგიური დახმარების შესახებ“ საქართველოს კანონში ცვლილების შეტანის თაობაზე

მუხლი 1. „ნარკოტიკული საშუალებების, ფსიქოტროპული ნივთიერებების, პრეკურსორებისა და ნარკოლოგიური დახმარების შესახებ“ საქართველოს კანონის (საქართველოს საკანონმდებლო მაცნე (www.matsne.gov.ge), 08.06.2012, სარეგისტრაციო კოდი: 470070000.05.001.016760) №2 დანართის ცხრილით გათვალისწინებული ჩამონათვალის „ნარკოტიკული საშუალებები“:

ა) 31¹ გრაფა ჩამოყალიბდეს შემდეგი რედაქციით:

”

31 ¹	გამა-ოქსიერბო მჟავა GHB	1	10	50
-----------------	----------------------------	---	----	----

“;

ბ) 51-ე გრაფა ჩამოყალიბდეს შემდეგი რედაქციით:

”

51	დმტ (დიმეთილტრეფტამინი)	0,005	0,05	1
----	-------------------------	-------	------	---

“;

გ) 205-ე გრაფა ჩამოყალიბდეს შემდეგი რედაქციით:

”

205	ალფა-პეპ α-PVP	0,001	0,2	1
-----	-------------------	-------	-----	---

“;

დ) 208-ე და 209-ე გრაფები ჩამოყალიბდეს შემდეგი რედაქციით:

”

208	ბენზილპიპერაზინი N-BENZYLPIPERAZINE (Benzylpiperazine, BZP)	0,02	0,2	1
209	მდპვ MDPV (3,4-Methylenedioxypropylone)	0,005	0,1	1

“;

ე) 212-ე გრაფა ჩამოყალიბდეს შემდეგი რედაქციით:



”

212	მეფედრონი MEPHEDRONE (4-methylmethcathinone)	0,01	0,1	1
-----	---	------	-----	---

“;

ვ) 241-ე გრაფა ჩამოყალიბდეს შემდეგი რედაქციით:

”

241	აბ-პინაკა AB-PINACA	0,001	0,01	1
-----	------------------------	-------	------	---

“.

მუხლი 2

1. თუ ამ კანონით „ნარკოტიკული საშუალებების, ფსიქოტროპული ნივთიერებების, პრეკურსორებისა და ნარკოლოგიური დახმარების შესახებ“ საქართველოს კანონში შეტანილი ცვლილება საქართველოს სისხლის სამართლის საპროცესო კოდექსის 310-ე მუხლის „ვ“ ქვეპუნქტით გათვალისწინებული საფუძვლის არსებობისას იწვევს სისხლისსამართლებრივი პასუხისმგებლობის გაუქმებას ან შემსუბუქებას, განაჩენი გადასინჯება საქართველოს სისხლის სამართლის საპროცესო კოდექსის XXVII თავით დადგენილი წესით.

2. ამ მუხლის პირველი პუნქტით გათვალისწინებულ შემთხვევაში სასამართლო უფლებამოსილია განაჩენი გადასინჯოს საკუთარი ინიციატივით, საქართველოს იუსტიციის სამინისტროს სისტემაში შემავალი სახელმწიფო საქვეუწყებო დაწესებულებიდან – სპეციალური პენიტენციური სამსახურიდან ან საქართველოს იუსტიციის სამინისტროს მმართველობის სფეროში მოქმედი საჯარო სამართლის იურიდიული პირიდან – დანაშაულის პრევენციის, არასაპატიმრო სასჯელთა აღსრულებისა და პრობაციის ეროვნული სააგენტოდან გამოთხოვილი ინფორმაციის საფუძველზე.

3. ამ მუხლის პირველი პუნქტით გათვალისწინებულ შემთხვევაში სასამართლო ახლად გამოვლენილ გარემოებათა გამო განაჩენის გადასინჯვის შუამდგომლობას განიხილავს მისი მიღებიდან 1 თვის ვადაში.

4. სასამართლო უფლებამოსილია ამ მუხლით გათვალისწინებული საკითხები განიხილოს ზეპირი მოსმენის გარეშე.

მუხლი 3. ეს კანონი ამოქმედდეს გამოქვეყნებისთანავე.

საქართველოს პრეზიდენტი

სალომე ზურაბიშვილი

თბილისი,

30 მაისი 2024 წ.

N4236-XIVმს-Xმპ

